

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

§. I. An immaterialitas in Deo sit radix intellectualitatis?

[urn:nbn:de:hbz:466:1-77132](https://nbn-resolving.de/urn:nbn:de:hbz:466:1-77132)

ria specifica: alia verò quæ sunt magis communes, ut esse dormitivum; vel quæ sunt transcendentes, ut ratio unius, veri, & boni, sequuntur ad ipsum, mediante gradu genericō animalis, vel media ratione entis in ipso transcendaliter inclusa.

⁴⁶ Ad ultimum nego sequelam Majoris: quamvis enim peccatum continetur in divino intellegere, non tamen propterea dici potest illud contineri in natura divina, formaliter quā talis est: quia quando dicitur peccatum contineri in natura divina, sensus est, illud in ea contineri tanquam ejus effectum, vel sicut ejus proprietatem, quod repugnat divinæ sanctitati: ut autem dicatur contineri in intelligere divino, satis est quod in eo continetur per modum objecti cogniti.

Potest etiam absolute negari, peccatum contineri, etiam per modum objecti cogniti, in intelligere constitutivo natura divinæ: quia ut dicimus in Tractatu de scientia Dei, intelligere divinum, sub ea ratione quā est naturæ divinæ constitutivum, non se extendit ad creaturas, nec proinde attingat peccata, sed solum quatenus est attributale & scientificum: unde ex eo quod Deus cognoscat peccata, solum inferri potest, ea contineri in scientia Dei, non tamen in ejus natura vel essentia.

ARTICVLVS II.

Quæ formalitates ad intellectum spectantes, in Deo constituenda sint?

⁴⁷ Hujus difficultatis resolutio necessaria est Had plenam & perfectam notitiam eorum quæ diximus articulo precedenti; ideoque eam hinc inserimus, quamvis plures illam rejiciant usque ad questionem 14. Ut autem status questionis clare percipiatur.

Sciendum est, plura in intellectu creato inventi, de quibus dubitari potest, an sint etiam in intellectu divino constituenta. Primum est immaterialitas, de qua potest esse dubium, an sit in Deo radix, & ratio à priori intellectualitatis. Secundum est potentia intellectiva, que est principium proximum intelligenti. Tertium, species objectivæ concurrens, & complens, ac secundans ipsam potentiam ad actum intelligentium. Quartum, habitus intellectuales ad intelligentum facilitatem praestantes. Quintum, ipsa intellectio. Sextum, species expressa, seu verbum, quod est terminus ejus intrinsecus. Denique, objectum formale & primarium, tam motivum, quam terminativum. De his ergo omnibus dubitatur, an formaliter, vel tantum ementer in Deo reperiantur? Pro resolutione prima difficultatis sit.

S. I.

An immaterialitas in Deo sit radix intellectualitatis?

⁴⁸ Negetivam sententiam tenuere quidam, quos sine nomine refert Aureolus in dist. 35. art. 2. afferentes ex immaterialitate non inferri à priori intellectualitatem activam, sed tantum à posteriori, & signo: quatenus ex negatione materiae colligitur nobilitas entis, cui nobilis operatio debetur, & consequenter cognitionis. Pro qua etiam sententia referatur Ocham-

A & Gabriel in i. dist. 35. quæst. 1. art. 1. quibus ex recentioribus adhæsit Raphaël de Aversa infra quæst. 14. sect. 1. ubi docet rationem quā D. Thomas ibi probat, Deum esse summè intelligentem, quia est summè immaterialis, demonstrativum non esse, sed solum ex probabilibus principiis procedere.

Sententia tamen affirmativa, quæ assertor immaterialitatem esse rationem à priori intellectualitatis, ac proinde rationem D. Thomæ esse demonstrativam, & à priori, saltem quoad nos, communis est, non solum apud Thomistam, sed etiam apud extraneos, eamque tenent Suarez 2. tomo Metaph. disp. 35. sect. 5. Molina, Granadus, Hericet, & alii; quæ sententia non aliter est probanda, quam rationem D. Thomæ explicando, & objectionibus in contrarium respondendo.

Ratio ergo D. Thomæ sic proponitur. Immortalitas est ratio cur aliquid sit cognoscitivum: 49. Sed Deus est summè immaterialis: Ergo & summè cognoscitivus, & consequenter intelligens; nam supræma inter omnes cognitiones, est intellectio. Minor est certa, immaterialitas enim, vel sumitur pro exclusione materiae, vel pro exclusione potentialitatis, vel pro elevatione supra materiam, & non immersione in illam: Deus autem, cum sit actus purus, materiam & potentialitatem omnem excludit, & supra omnem conditionem materiae elevatur. Major autem ostenditur primò ex Philosopho 2. de Anima textu 12.4. ubi docet quod planta non cognoscunt, quia materiales sunt; sensus autem cognoscitivus est, quia est receptivus specierum sine materia, & consequenter aliquanter immaterialis, id est materiae conditionem excedens. Intellectus etiam humanus est magis cognoscitivus, quia magis immaterialis, id est magis separatus a materia, & minus immixtus illi, ut docetur 3. de Anima textu 4. Item quia Angelus in immaterialitate superat animam rationalem, utpote nec dependens a materia, nec illam informare potest, animam rationalem in cognoscendo excedit: Ergo immaterialitas est ratio cur aliquid cognoscitivum sit. Unde egregie Tertullianus lib. de Anima cap. 20. Opimitas sapientiam impedit, exitias expedit.

Secundò probatur: Immortalitas est ratio cur aliquid sit intelligibile in actu, ut enim docet D. Thomas. contra Gentes c. 44. ex hoc forma sunt intellectæ in actu, quod sunt sine materia, id est per hoc quod abstrahuntur à conditionibus materialibus, cum quibus ad extra inventiuntur: Sed intelligibile in actu sit unum cum intellectu intelligente in actu: Ergo immaterialitas est etiarsim ratio activa intelligentiatis.

Tertiò probatur: In hoc cognoscientia differtur à non cognoscientibus, quod hæc nihil habent nisi formam suam tantum: illa verò, praeter formam propriam, nata sunt habere in se etiam formam rei alterius, per speciem representativam illius: Sed capacitas habendi formas aliariam terū, convenit ratione immaterialitatis: Ergo immaterialitas est ratio cognoscibilitatis activæ. Major constat, nam species rei cognitæ est in cognoscente, & per eam sit intellectus in actu: At species representativæ continent formam & naturam objecti: Ergo cognoscens, natum est habere in se formam rei quam potest cognoscere. Unde Philosophus 3. de Anima tex. 37. docuit animam esse quodammodo omnia, quia est

est omnium cognoscitiva. Minor autem probatur : Capacitas habendi non solum formam propriam, sed etiam alterius rei , est amplitudo & illimitatio quedam: Sed immaterialitas est ratio amplitudinis & illimitationis in forma : Ergo est ratio istius capacitatibus. Minor patet , nam coarctatio & limitatio formae provenit à materia, & consequenter materialitas est ratio coarctationis formae : Ergo immaterialitas est ratio amplitudinis, & illimitationis formæ, & consequenter est ratio prædictæ capacitatibus.

§. II.

Principales objectiones solvuntur.

52 **C**ontra hanc doctrinam & rationem D. Thomæ, plura & difficillima objici possunt argumenta. Primum est, non cognoscititia, præter formam propriam , aliorum formas recipiunt: Ergo differentia à Divo Thoma statuta, inter cognoscititia & non cognoscititia , falsa est, & consequenter ejus ratio falsa nititur fundamento. Consequens patet, Antecedens probatur: aqua enim recipit in se calorem : calor autem non est propria forma aquæ : aëris etiam in se recipit species intentionales: Ergo non viventia, & non cognoscititia, apta sunt in se recipere, non solum proprias formas, sed etiam formas aliorum.

Respondeo cum Carmelitis Salmanticensibus, tract. 3, disp. 2, dubio 1. & 2. duplex esse notabile discrimen inter cognoscititia & non cognoscititia, quantum ad propositum. Primum constituit in eo quod non cognoscititia recipiunt alias formas, non tamen eisdem cum eis à quibus illas recipiunt: nam aqua v.g. recipiens calor ab igne, non recipit eundem numero calor ignis, sed aliud distinctum realiter, & idem contingit in aliis non cognoscitibus: cognoscititia vero aperte sunt in se habere formas alias rerum, eisdem specie & numero , absque reali distinctione ab illis à quibus recipiunt formas; nam species lapidis, quæ intellectus constituitur in actu ad intelligendum lapidem, continet in se formam & naturam lapidis, eandem realiter cum illa quæ in lapide ad extra invenitur, non quidem sub modo essendi naturali (hoc enim est impossibile) sed intelligibili & intentionalí, quia ut docet D. Thomas 1. de Anima, lect. 24. & 7. Metap. lect. 6. species rei intellectæ, est quidditas ejus, & 4. contra Gentes cap. 14. docet verbum nostri intellectus , ex ipsa re intellecta habere, ut intelligibiliter eandem numero naturam contineat.

Secunda differentia, ex qua sumitur secunda solutio argumenti propositi est, cognoscititia recipere in se aliorum formas, scilicet species intentionales, per identitatem cum illis, taliter quod intellectus actuatus specie lapidis, identificetur cum lapide, & cum specie representativa illius, non quidem in esse entitative & naturali, sed in esse intentionalí & intelligibili : juxta illud quod docet Philosophus 3. de Anima textu 37. *Anima intelligendo fit omnia:* At vero non cognoscititia, non recipiunt formas aliorum , per identitatem cum formis, nec cum illis à quibus tales formas recipiunt; & in hoc eriam stat differentia à D. Thoma statuta, inter cognoscititia & non cognoscititia.

Contra hanc doctrinam, quam latto calamo, & eruditæ, ut alia, prosequuntur Salmanticensis. Tom. I.

A les, loco citato, referentes Capreolum, Caietanum, Ferrariensem, & omnes Discipulos Divi Thomæ, fieri solent plures instantia, quæ in Tractatu de Visione beata, ubi de hoc iterum redit fermo, commodius proponeruntur ac diluentur.

Objicies secundò: Datur natura cognoscitiva materialis: Ergo immaterialitas ad rationem cognoscitivæ necessaria non est, & consequenter nequit esse ratio à priori virtutis cognoscitivæ. Secunda consequentia, ex prima evidenter colligitur: prima verò ex Antecedenti : Antecedens autem constat , natura enim sensitiva est materialis, & tamen est cognoscitiva : Ergo datur natura cognoscitiva materialis.

Respondeo ex doctrina D. Thomæ quæst. de 54

spiritualibus creaturis art. 2. in corp. & 2. cont. Gent. cap. 68. ad finem: immateriale sumi tripliciter, primo pro excludente informationem materiae, secundò pro independente à materia, tertio pro excedente conditionem materia in agendo & recipiendo. Primo modo natura angelica est immaterialis, non enim à materia dependet, nec materiam informare potest. Secundo modo anima rationalis immaterialis est, licet enim materiam informet, est tamen independens ab illa. Tertio modo anima sensitiva est immaterialis, quamvis enim dependeat à materia in esseendo, & ideo immaterialis entitative non sit;

C recipit tamen species intentionales modo representativo, & operatur independenter à qualitatibus quæ sunt dispositiones materiae: visio enim non elicitor medio calore, aut frigiditate, siccitate, aut humiditate, quæ sunt dispositiones materiae: unde quamvis sit entitative materialis, non tamen est materialis immersiva; hoc est totaliter immersa materia, sed excedens illius conditionem in recipiendo, & agendo: quare Philosophus 2. de Anima textu 124. docuit plantas non cognoscere, propter suam materialitatem: sensus autem (inquit) cognoscitivus est , quia receptivus specierum sine materia.

Ex quibus ad argumentum in forma respondeatur distinguendo Antecedens. Datur natura cognoscitiva cognitione perfecta, quæ materialis est, nego Antecedens: cognitione imperfecta, scilicet sensitiva, subdistinguendo Antecedens: quæ materialis est entitative, concedo Antecedens: immersiva, id est omnino immersa materia, & ab illa totaliter comprehensa, nego Antecedens; & distinguo Consequens: non requiritur immaterialitas ad rationem cognoscitivæ perfectæ, nego consequentiam: ad rationem cognoscitivæ imperfectæ, subdistinguendo Consequens: immaterialitas sumpta pro independente à materia, concedo consequentiam: sumpta pro excessu supra conditionem materiae, & non immersione in illa, nego consequentiam. Itaq; ad cognitionem perfectam, qualis est cognitione intellectiva, requiritur principium immateriale entitative, hoc est independens à materia in esseendo: ad cognitionem vero imperfectam, qualis est sensitiva, non exigitur principium immateriale in esseendo, id est à materia independens; sed immateriale per excessum supra conditionem materiae, & negationem totalis immersionis in illa.

Objicies tertio: Dantur plures formæ immateriales, quæ non sunt cognoscitivæ: Ergo immaterialitas non est ratio à priori virtutis cognoscitivæ, & consequenter non potest demonstrari à priori per illam. Consequens patet, Antecedens vero probatur: voluntas enim , ejusque